



UNIVERSITÄTS-
BIBLIOTHEK
PADERBORN

Vita Et Doctrina Jesu Christi

Avancini, Niccolò

Coloniae Agrippinae, 1689

Nativitas Christi Domini.

[urn:nbn:de:hbz:466:1-59970](https://nbn-resolving.org/urn:nbn:de:hbz:466:1-59970)

periores tuos loco Dei habere, etiam in d
rioribus imperiis.

2. *Ascendit & Ioseph ut profiteretur cu*
MARIA. Ibid. Decreverat Deus, ut filius pa
per, & contemptus nasceretur. Ordinatus
edictum Cæsaris prodeat. Hinc constrin
videtur, ut in Bethleem eat. Sed hac neces
tate tegit suam voluntatem patiendi, hum
litate, patientiam, paupertatem. Quid
go? prodeco sub virtutis colore, sed delicto
celo, amo commoditates, &c. O pudor!

3. *In propria venit, & sui eum non recep*
runt. Joan I. Comitare undique men
cantem hospitium B. Virginem. Vide quæ
indignè excludatur. Expende quis ejus se
sus, maximè quòd *sui eum non recipiant*
qui recipiunt alienigenas. Nonne & tu D
um quandoque cor pulsantem excludis?
cui das locum? aperi ergò posthac illi, clau
de vanitati.

IN NATIVITATE DOMINI

I **F**Actum est autem, cum essent ibi, imp
tum est tempus ut pareret. (Luc. 2.)
bi? Considera vilitatem loci, tempestate
perfrigidam, tempus noctis, circum una
que miseriam, & paupertatem. vis ut in ten
scatur Christus? esto tibi vilis, frigesca
tuæ passiones, ama latere, esto pauper & b

milis. Amat & in te ea Filius Dei, quæ pro se elegit.

2. *Et peperit filium suum primogenitum.*

Ibid Considera quibus actibus reverentiæ, humilitatis, adorationis, amoris B Virgo filium suum exceperit, & statim pro mundi salute Patri obtulerit. Audi vagitum, vide lachrymas: quære cur fleat? Audi respondentem, quòd non habeat imitatore, & statue tu eum sequi.

3. *Et pannis eum involvit.* Ecce pauperitatem Matris, & Filii *Et reclinavit eum in praesepio*: Ecce quomodo à teneris Dei Filius incommoditates amat. Et cur tu fugis? *Quia non erat ei locus in diversorio.* qui creavit te in habitaculum sibi, non invenit locum apud te: & invenit, qui te it perditum.

DIE XXVI. DECEMBRIS.

Sensus Dei, B. Virginis, & Angelorum in Nativitate Christi.

1 **C**Ogita ab æterno Patre tibi ipso Nativitatis instanti dici, *Hic est filius meus dilectus, in quo mihi bene complacui.* 2. Tibi donari ab eo filium, & ejus merita. Quàm dives his eris, si bene utaris, & tibi applices. 3. filius verò patri offert seipsū in victimam

mam pro peccatis tuis. Quis amor iste in te
 Quomodo es meritis? Offer quoque
 ipsum in victimam Deo.

2. Considera quas gratias B. Virgo retu-
 lerit ob conservatam Virginitatem. A stima
 & custodi tantum thesaurum, quem illa tan-
 ti fecit. 2. Quomodo obtulerit eum æterni
 Patri, quomodo mundo, quomodo tibi
 suscipe munus, ama, fove, utere in bonu-
 rum

3. Considera revelatum Angelis, dictum
 que: *Et adorent eum omnes Angeli eius*
 Crede ergo adstitisse Angelos, admirato-
 illam exinanitionem, paupertatem &c.
 tamen non eorum causa hæc agebat Ch-
 stus, sed tui. Quæ tua ergo obligatio, no-
 tantum admirandi, sed etiam imitandi hæc
 exinanitionem?

DIE XXVII. DECEMBRIS

Christus natus annunciatum Pa-
 storibus.

1. **P**astores erant in regione eadem vig-
 lantes. & custodientes vigilias nocte
 super gregem suum, & ecce Angelus Domini
 stetit iuxta illos Luc. 2. Quibus revelatum
 Christus? Pastoribus, simplicibus, & h-

milibus: *vigilantibus*, & attentis ad occasio-
nem boni: *custodientibus greges* passionum,
& affectuum suorum, Sunt ne in te hæ qua-
sirates, ut merearis tibi Deum revelari?

2. *Et claritas Dei circumfulsit illos, & ti-
muerunt timore magno.* Lumen, & cognitio
Dei Majestatis excitat in anima sacrum quæ-
dam horrorem, ac reverentiam. O quam
parva tua est in Deum reverentia in tuis spi-
ritualibus exercitiis! Unde? quia modicum
est in te lumen, & non formas sublimem in
Deo rebusq; divinis æstimationem. Si æsti-
mabis, revereberis.

3. *Evangelizo vobis gaudium magnum,
quod erit omni populo, quia natus est vobis
hodie Salvator.* Gaudent Angeli de nostro
bono. Disce gaudere de bonis aliorum. Gau-
dium vobis annuntiant. Argumenta gaudii
sunt, quod *natus salvator*, quod *vobis* quod
hodie Est salvator tuus, sed non salvabit te
sine te. Cooperari ergo oportet.

DIE XXVIII. DECEMBRIS.

Datur signum Pastoribus, & ca-
nunt Angeli.

ET hoc vobis signum: *invenietis infan-
tem pannis involutum, & positum in
præsepio.* Luc. 2. Salvatorem populorum an-
nuntiat Angelus, & dat ejus signa tam vilia;
C Deus

Deus nempe non invenitur nisi in humilitate, & contemptu terrenorum. Elige hæc majorem Christi imitationem, etiamsi pa omnino esset in deliciis, & honoribus De gloria.

2. *Et subito facta est multitudo militum coelestis exercitus laudantium Deum* Ibid.

Quia Dei Filius se tantopere exinanivit, propter eum per Angelos honorat. Quanto maiorem ipse tui curam gesseris, tanto maiorem geret Deus. Ubi terrena solatia abijceris, aderunt cœlestia. 2. Quid laudabant Angeli? Infantis sapientiam, tenelli potentiam, despecti gloriam Deus, eruit & manifestat, quæ latent; huic te committe.

3. *Gloria in excelsis Deo, & in terra pa hominibus bonæ voluntatis.* Ibid. Deo debetur per omnia gloria, non tibi. Si ea tibi arroges, Deus te confundet ob furtum rei alienæ. Quoties eam Deo surripuisti Redde quod non est tuum. 2. Pax datur hominibus bonæ voluntatis. Bona voluntas directa per solidas veritates, prompta, soluta, fervida, est principium omnis bonæ & pacis internæ. Reflecte te ad te ipsum; ex te ipso dices esse verum. Ideò hanc voluntatem excita, & conserva.

DIE XXIX. DECEMBRIS.

Pastores se hortantur mutuò ad invi-
sendum Salvatorem.

1. **U**T discesserunt ab his Angeli, *Pasto-
res loquebantur adinvicem* (Luc. 2.)
de iis quæ Angeli decantarunt. Non sunt
ergò statim eorum obliti, ubi Angelus dis-
paruit; quemadmodum tu facis, qui elapsâ
horâ meditationis, vix postea cogitas, quod
lumen habueris, quod propositum; de hoc
interdiu sæpius tibi loquere, dum practican-
di est occasio.

2 *Transeamus usque Bethlehem.* Ibid. Non
fuit pura rememoratio eorum, quæ audie-
rant, sed practica; ex qua concluderunt
transire. Cura, ut tales sint tuæ meditatio-
nes, quibus tibi loqueris: ut semper con-
cludas transitum, vel ab imperfectione ad
virtutem, vel ad altiorem virtutis gradum.

3 *Et videamus hoc verbum, quod factum
est, quod Dominus ostendit nobis* Ibid. Vo-
lunt experiri, quod audierant. Quanta o-
stendit tibi Deus, cum tibi interior loquitur!
Debes ea opere experiri: aliàs frustratur
Deus suo fine, tu fructu. Si hæctenus id fe-
cisses! quantus evasisses! Ipse tibi impedi-
mento fuisti, sis ipse tibi stimulo,

DIE XXX. DECEMBRIS

Pastores veniunt ad praesepe Do-
mini.

1. **E**T venerunt festinantes Luc. 2. Et si An-
gelus non mandaverit, quia tam
Deo gratum fore illum transitum in-
lexerunt, festinarunt eo magis, quo ma-
erat desiderium. Ubi lumen hausisti, & pro-
positum statuisti festinandum est, & pro-
exequendi occasio accipienda. Facies id
verum sit in te desiderium. Hoc in medi-
tationibus tuis semper excita:

2. Et invenerunt MARIAM & Ioseph
infantem positum in praesepe Ibid. Cogn-
qui eorum fuerint affectus, submissione
admirationis, laudis, gaudii, &c. Correspo-
dit eventus lumini, quod Angelus de-
quia properarunt experiri. Prope-
ad opus propositum, sic invenies Jesum,
ejus virtutem. Cur id hactenus non fecisti

3. Videntes autem cognoverunt de Ver-
quod dictum erat illis de puero hoc; Ibid.
ctum erat illis: nondum erat plena cognitio
Viderunt, & tunc demum cognoverunt. In-
perientiâ virtus discitur. Audivisti tibi
quentem Deum in meditatione, est initium
hujus scientiæ. Accede ad opus, tunc pro-

cog

cognosces. Quia id non præstitisti hactenus, inde es tam rudis.

DIE XXXI. DECEMBRIS.

Reditus Pastorum à præsepio Domini.

1. **M**ARIA autem conservabat omnia verba hæc, conferens in corde suo Luc. 2. Habes exemplar meditantis, Mariam. 1. Conservabat verba à Pastoribus in laudé Christi dicta: quid tu conservas eorum, quæ tibi Deus dicit? 2. *Omnia.* Quare non omnia lumina in praxim trahis? 3. *Conferbat in corde.* Debes ea sæpius in memoriam revocare, captare occasionem exequendi.

2. *Reversi sunt Pastores glorificantes & laudantes Deum.* Ibid. Ex conversatione cū Christo, remanserunt in illis affectus gloriæ dei, quos retulerunt ad officium suum. O felix! si ex meditatione tua referas tales affectus, eosq; in officio tuo exerceas! Miser, si hoc non facias! Quanta enim perdis!

3. *In omnibus quæ audierant, & viderant.* Ibid. In omnibus glorificant deum. Nihil præteri occasionis, quo id exerceas, cujus lumen habuisti. Multas invenies occasiones, si attendas, & tuo lucro: multas perdes, & tuo damno, si non attendas. Et sic deum glorificabis, quod facias, quæ ipse ingessit.

NATIVITAS
DIE I. JANUARIJ.
De circumcissione Domini.

1. **P**ostquam consummati sunt dies octiduum
ut circumcideretur puer. Luc. 2. Christus à lege exemptus erat, quia peccatum non habebat per eam abolendum. Vult tamen subesse legi, quamvis duræ. At tu leges quamvis faciles, facilè transgredens, difficiles declinas. Est hoc Christum imitari? resolve te etiam ad ardua, ubi videtur Dei voluntatem.

2. *Vt circumcideretur puer.* Considera Virginem à Deo edoctam resolvuisse se ad illud circumcissioni subjiciendum. Amabat filium tenerrimè, sciebat quis illi dolor inferendus esset. Non dat locum affectui, quia sciebat voluntatem Dei. Ubi de Dei voluntate constat, sepone affectum. Offendit proximus? sed Deus jubet. Utri attendis? utri attendisti hactenus?

3. *Vt circumcideretur puer.* Considera dolorem quem senserit Christus, quia etiam tenellus infans, complectionis delicatissimæ. Hunc prævidit, quia habebat perfectum usum rationis: & tamen voluit legi parere. Quantum disto à Jesu meo? ubi moror cum confusionis, aut doloris prævidi quantum fugio? sed ab hoc die non fugiam imò ambiam ad majorem imitationem Jesu.

CHRISTI DOMINI.
DIE II. JANUARII.

43

Quos fines habuerit Christus suæ circum-
cisionis.

1. **C**ONsidera primum ejus finem fuisse, ut
constenderet se verum, non phantasti-
cum corpus assumpsisse, & se esse hominem
nobis similem, doloribus subjectum. Grati-
as age, adora hoc corpus. Sed discere non esse
contentus specie, seu apparentiâ virtutis, sed
veram quære. Hanc autem probare debes
circumcisione mortificationis.

2. Secundus finis fuit, ut se declararet fi-
lium Abrahæ, cui lex illa data fuit. Nec ab-
sterruit eum dolor, aut confusio. Esne Re-
ligiosus? non es si id non probas circumcisi-
one mortificationis; si te confusionis aut
doloris timor à professionis opere avertit.
Non sic ages impofterum.

3. Tertius finis fuit, ut jam tum adhuc in-
fansium in nos amorem testaretur. Insigne
enim amoris argumentum est, pro eo pati,
quem amas. Quis vicissim tuus in Deum est
amor? paterisne pro eo? habesne prom-
ptam ad ardua voluntatem, ac desiderium?
Excipisne promptè, & amanter, seu oblata
seu imperata? Hæc impofterum
tui amoris exhibe docu-
menta.

C 4,

DIE